

卷之八  
畢

書牘  
雜文

二拾五枚

留八

服部文庫  
417  
2099  
18



蹈海集卷之八

雜文

攝津服元雄仲英 著  
東都井周愛士春揖校



於虞淵之汜。各天萬里。往若形影。而居者。今已為參  
 商。懷之所積。豈可得而覩縷者哉。頃豎有王。至于放  
 所。始審足下。及平判官進止。風波安穩。舟楫無恙。至  
 都之日。親戚故舊。要於路者。若迎死者。作于九原。而  
 歸。且足下爵祿復舊。令問不替。再事上皇。判官先已  
 歸佛。今也藏身東山。閑居遂志。各得其所。不遠而復。  
 家族之喜可知。嗚呼。寬獨何為者。生不能再上父母  
 丘隴。永終于鬼界。流放之徒。寬之悲憤。自非足下與  
 判官。天地之間。向誰告之。殘命且盡。生前不能一言  
 以陳。左右則死者。若有知。悠悠長夜。吞恨無窮。何世

族

漏之。故命有王。竟沒東歸。乃呈斯書於少將座前。書  
辭草草。字不成行。殆不仕披覽。冀與判官一展之。即  
筆所跡。苟察其所欲言萬分之一。寬乃暝萬里外。一已  
矣。夫平廢素無列朝廷。保平之際。王室不易。災釁仍  
臻。清盛遭遇時變。入稱翊衛。而其不快平氏。義朝之  
徒。皆既燔滅。爾後官階日月超遷。遂立女為后。自以  
為天子婦翁。身當相國之任。朝政由已。威福自擅。重  
盛兄弟并領左右大將。其餘庶孽宗族。典歷大官。榮  
顯滿盛。薰灼四方。天下郡國。諸平封邑居半。二宮恭  
已。若官累足。勝天之勢。東京梁氏不翅。當此之時。朝

藥

竊竊  
舉

廷公卿。自非平氏徒。充員位而已。其當以次遷。而為  
諸平所抑。屈滯失望者。不可勝數。尊府君納言嘗有  
積忿於斯。加之承上皇密旨。故協同諸輩。謀張王室。  
寬素與清盛有舊。而納言喻以順逆。寬雖不敏。不敢  
以私負公。乃於鹿谷莊招集同志。私竊有謀焉。庶幾  
效尺寸於斯。以稱上皇旨。期在旦夕。奈天未定。不  
克誘其衷。事覺。上自納言。下至寬輩。人蒙戮辱。妻子  
塗炭。西光之徒。五毒兼至。慘刑赤族。其他幸而放竄。  
客歲平后有身。清盛意欲其生皇子。而身居外祖之  
故。外稱王命。入赦天下。以新其報福。而於寬以遺

其舊與前舉謀行置不赦遂決寬一人倒懸不解以  
耳其心既已以王命大赦下而報私憾於其間以一  
毀國家制令清盛弄法逞志事事皆然寬復何恨焉  
又聞納言先於放所捐館似不得良少將其痛當有  
不可言者也自從共投荒裔寬與判官唯足下是依  
二人同心其利斷金况與判官三人者同此窮約日  
僅保性命耳鬼界所以一日不可住者足下  
所熟悉今而寬之單子憂愁足下其以為如何饑不  
得食寒不得衣俯仰所目但海與山耳無復田野聚  
落不蠶織不耕種凡人之可衣食者何處求之食則

于

得魚蝦於窮海之濱朝四暮三聊以充虛居則倚木  
於樹松葉覆之風露豈可障乎島中之人言語昧于  
彼此神情不接誰復哀寬既與人域隔又無曆日凡  
月之盈而望草木之榮而春日之出沒中浩汗之際  
而朝暮彷彿乎纔有以記心耳火山日夜雷聲轟轟  
炎焰不息罪於之人若觸天怒然嗚呼寬家雖非衣  
冠之族亦未至自執負擔之勤何知遭天不吊寵辱  
易地饑寒猶且不免生陷鬼界無由得脫雖復病報  
使然何爾荼毒也相別之日風帆電逝忽滅忽失杳  
冥渺渺即時欲從身從之神魂消散絕者良久而所

以猶持形骸以自今日者。徒足下慰藉之言於萬  
一。淺之寬爲心也。雖足下哀寬之情切于肌骨。清盛  
險忍。豈足下所能移乎。不唯望於足下之無爲。愈受  
世之嗤笑焉爾。昔人有言。富貴他人合。貧賤親戚離。  
寬在都日。交遊知識。寔繁有焉。一旦嬰禍。家口星散。  
流離之際。妻兒尋爲異物。所遺一女耳。今特有書傳  
焉。他既無一字問。其唯足下與判官時。或繫心於  
寬之死生乎。妻子存沒。京師近事。有王口語。略知之  
已矣。放後未滿三年。窮困日夜。若則苦矣。而私心未  
知。殘骸悴魄。非復昔日寬也。有王跡而至也。適遇諸

迷。亦不記寬。乃至就問。流人俊寬在何處。甚哉疾痛  
慘怛。傷人鋒刃之利。莫以尚焉。及見有王。悲喜交集。  
恍惚誤以爲夢。私恐覺後無聊。其將如之何。體疲神  
困。夢覺不辨。欲延數日之命。豈可得乎。今當爲鬼界  
之鬼。永與足下隔生。吁。命之窮。無可奈何。寬已矣哉。  
往日綢繆。何世忘之。每一念至。不勝涕泣橫集。冀足  
下勉修令德。進退相時。多諱之朝。常念免難。判官超  
然喜遁方外。庶幾無患乎。伏乞曲致寬意。問至之日。  
不知足下與判官西向。一哭寬耶。臨書嗚咽。不知所  
裁。俊寬頓首。

詩誓

嗟我二三同社。我有誓言。無譁聽之。今日之事。管城  
 以為城。墨池以為池。各厲乃詞鋒。旗鼓相當。其爭也  
 君子。君子出辭氣。溫厚和平。斯遠鄙倍。言則古人。黼  
 黻金玉。其則不遠。無怠無倦。一乃心竭。乃才尚其有  
 成。凡一日之間。事毋不敬。各慎爾儀。務修大雅德業。  
 五穀餐之徒也哉。馬貪五味。枯魚乾餼。藜藿之羹。上  
 天有錫。罔敢饑我。吾足矣。今日攸用。不尚難得之器。  
 無簡寧書。木葉箕山。手飲作吾師。素以為典。罔華乃  
 詩。允成必顧。左右出之。與速寧遲。乃工人拙。罔矜罔

藏。憤罔藏。否他社人物。體制既定。不得隨爾便。擅改。  
 得韻有命。企羨何益。璧假許由。任汝協和。前日命汝  
 病題。弗為胡成。三句弗為。為廢汝業。退而無與焉。即  
 題。成古有常罰。兕觥其陳。彼飲不知足。罰酒惟耳。  
 嗚呼。何侮慢之甚。而今而後。若是之徒。以不飲為罰。  
 古人有言。酒釣詩釣。若何沈昏。濡首者。返大作詩禍。  
 芒吾喪我。喜怒交臂。而移載笑。載罵。雜言嗷嗷。擬娼  
 婦淫曲。學優童聲。效。雅音。舍厥位。遷徙無常。汚  
 我筆硯。覆我杯樽。側弁之俄。俯仰婆娑。鵠鳴沐猴。無  
 入與比。禍及傍人。大害甚巨。詞苑蟲賊。敢有若茲

尚汝鳴鼓奉辭。恭致天之罰。俾出童殺。無赦。勗哉。  
二三同社。罔同彼昏德。慎茲常憲。

傭者對

齊王朝周。道見裸跣行傭者。王從車上指之曰。霜露  
時降。一布之褐。不能掩體。擔重營營。嘻可憐哉。傭者  
棄擔而止。覲爾笑曰。我固憐王。王有何憐我。王修藩  
固人禮。周有常制。時至而往。期至而返。一日遲速。王  
得如意乎。凡有土之君。奉於天子者。毫毛踰繩。則削  
黜之咎。尋至累及宗廟社稷。不若是而已。王於行途  
從車數百乘。徒卒彌于前後。王適有思廁之急。不得

投袂下車。直求其所。七尺之形。俯仰動止。欲如意得  
乎。甚矣哉。齊國戮辱於王。我上無君親。下無妻子。以  
八極爲屋宇。通達之地。何處可止。何處不可。至日出  
而遠路。自西自東。不知所遭。誰氏唱則和。日代行  
考之勞。冬日之寒。負擔如挾纊。天償我以錢。五里一  
醬。食恣所嗜。飽且休。不覺有昨日。不知有明日。取足  
於今日。飄乎悠乎。唯意所任。世人謂我以雲爲翼乎。  
名我曰雲助。我友有無宿叟者。行年七十。病革綿綴。  
於道左。楛木之下。行旅之哀。之曰。子必不修行。長  
爲產。老無妻。今也終焉。收視子。子不亦悔且



悲乎。無宿叟舉目熱視曰。人之將死。五官失位。自聚  
之散。苦則固矣。貴賤智愚。孰有逃之者。而生之所有。  
妻子臣妾爵祿貨財。俄然棄之。向不可知之域。不可  
奈何。其慘於心。若受鋒刃之割。氣息將絕。一飲不能  
容口之際。別有此苦。用物精多者。特為甚矣。我幸無  
斯患。四體之內。假造化者。返之則已。而今而吾始知  
六十九年所行人。皆非之。我獨是之。果是若無宿叟  
者。可與言性命之樂。齊王色變。伏軾而歎曰。寡人不  
聞傭者之言。終身不知七十餘城為吾徽纆。

德政

書牘

與烏石山人書

月日雄白。西上七祀于茲。河山之邈。不翅西人之東。  
東人之西。而歸苟逢之。則未嘗不問我山人。盍歸京  
師。豈羨非山人土。何為留滯。若此。即問之。則未嘗不  
得稱山人。遊寓京師。京師諸真爭執弟子禮。擁篲相

迎者數十而不止。隆隆之聲曰新邦畿千里靡然嚮風。山人優遊其間。式燕且盤。亦是戾矣。未有遑暇東顧而私竊怪之。往日兄爭山人。非一日之故。雖今也濶焉。風彩猶尙在目。伏察山人所以爲山人於千里外。豈有嗜五侯鯖烏石山人哉。蓋傳稱者道聽途說。流俗浮言而已矣。頃觀留紅帖者。乃山人所筆墨痕。飛騰殊覺。居止清健。欣慰曷已。其詩亦山人所作。若干首。凡海內所仰知。諸王公主三公九卿拜賜陪燕酬和贈呈。篇篇皆是。獨欠應制耳。而神州名山大川。若浴下風流翰墨之士。寥寥乎莫有一題波及之。

者。與先所傳稱者。若相符。然雄惑矣。不知山人蓬戶朱門。若法深遊戲耶。將好事門人撰其所榮成帖。其餘不采。因遂筆之耶。不然。雄恐羅館之靈。將勒移于赤水之濱。名高之爲謗。府自古然。冀少留意。使如雄輩。左祖山人者。莫有聞隨駕之稱。高風爲清流所允。不勝仰望之至。雄也不肖。獲罪於長者。固所怖懼。然而弟畜之恩。中心藏之。苟愚悃所至。不能默而已。敢布腸心於尺一。以陳之。作者前伏乞諒察。

與安達道士

遊于人間數日。昨琴今棋。右詩酒。無日不歡然某某。

僕

所聞有之耳。不能接其所歡。然母乃似望海中神山耶。而蓬華至今。莫有聞步虛之音。是乎。半天若遐棄。然儻也。凡骨滓穢。為神仙所厭惡。固知有罪。欲往從之。負<sub>下</sub>荊於下風。奈仙跡所寄。其處無常。不可適從。惆悵何限。聞之白生。近日歸山。道士雖厭僕。凡骨何忍。輒遺其故。伏乞方其駕鶴。少時踰躑于赤水之上。舉手騰翥而去。使僕仰手彩於恍惚之際。萬一是望。

復松叔豹書

孟夏<sub>初</sub>二之書。先秋鴻而至。佛面晤。乃知足下定。省<sub>省</sub>安穩。且會滕生日。以斯文寥澗之懷。頓覺釋然。書

中戒雄。以有北客出都。傳聞雄困于酒。日甚一日。之狀。還告之。足下者。所以乘<sub>垂</sub>教<sub>不一</sub>而置。覩縷反復。實以雄思荒業廢。為性命之傷。為念至矣。盡矣。非我叔豹。誰可竭其誠約。我以斯言乎。感謝曷已。夫以曾參為人。雖亦踈交。固宜任其不殺人。然有三人先之。其母猶不得不踰牆而走。况雄輕薄。憤竄動致毀責。醉醜之態。足下固所親見。叔豹而不我遐棄。則有一人告雄。沈湎日甚者。千里之遠。豈得不為之念乎。於戲。睽離幾歲。今之我者。非復往日周旋。叔豹我者。略陳其狀。以荅懇懇之意。非敢拒諫掩過之言。庶允而聽。

竊

喪

焉。雄少辭親去國事。今之翁翁之視我獨子。我亦未  
 嘗不視翁猶父。二十餘年于茲。而蹇劣自若。雖日蒙  
 陶煦。志業不進。居常局趣。社友之後。况砥礪名行。顯  
 於當世。廁縉紳君子之列。固我所不分。苟知吾生有  
 涯。不肯督官交。無所擇。博徒賣漿。逢着則歡。歡則飲。  
 飲則醉。醉則歌呼。舞。何所不至。傍若無人。鬪念亦  
 如是而足矣。而性非上頓之量。醉鄉之盟。亦不能執  
 牛耳。是非叔豹往所親見乎。已而翁之二男尋沒。服  
 氏無嗣。社友以翁乏侍養人。命雄充膝下役。雄先既  
 喪父母。今而所怙恃。亦惟翁耳。且翁與社友。固已知

我則豈以堂構濟美望。我者哉。是我所以在三之義。  
 不能辭讓。欲效手足勞圖報萬一。豈敢遵翁之箕裘。  
 傲然抗顏。以為人師云爾哉。及移居赤羽。謂諸飲徒  
 曰。仲英新得父母。已為人子。苟供子職耳。諸君以雄  
 為死。不可復見。請從此謝矣。爾來至今。既已三年。以  
 故。莫有一飲徒踵門呼雄者。不惟飲徒。凡遊翁之門  
 者。為雄也。友餘盡絕。而不通。日夜區區。婆娑筆硯間。  
 杯酌之事。如忘。偶應一二貴介。請時。賜餘瀝。恭鞫鞠  
 臆。如髭。猶稱徑醉矣。雄之小器。曷為能容數酌。而五  
 六年來。體稍豐肥。皆曰。過飲使然。雄之飲。比於往日。

臆

纒

不過十<sub>一</sub>亦食糠覈耳非飲之故明矣大都往日嗜  
好自今視之索然殊覺可厭故態總為有自計<sub>纒</sub>  
纒過四十心之衰廢既如八九十者壽不得長常恐  
一旦宛填溝壑遺今之父母憂<sub>風</sub>夜兢兢雄之不似  
志業不就天之所賦不可奈何至如以飲喪志損其  
天年則吾豈敢叔豹察焉人生一世間如白駒過隙  
耳假令雄有一旦事不為知己如叔豹者所允使其  
謂仲英何為自貽斯戚誠為可恨之最恐將不暇故  
傾寫肝膽具陳以復冀其詳視焉佳稿間效鄙衷述  
文及詩若干首併呈意亦在示近狀案間賜覽幸甚

月日

代淺吉與大垣戶留主書

吉書聞之古人病耳聰者有以蟻動為牛鬪史傳所記  
蓋有之矣而人之不信有之以其非人所可病者也  
假令今而有之誰為實有之吉有病今陳其狀留主  
聽之必曰吁吉也狂<sub>妄</sub>可憫矣豈惟留主哉吉自從  
羅斯患每開口說之親戚朋友未嘗有一人以吉為  
不狂妄者豈惟親戚朋友哉吉亦有時竊自怪之吾  
其狂妄乎宜從他人視之以為狂妄矣雖然吉非天  
地易位以白為黑陰陽寢食之適與人無異誠如吉

所患其諸類乎以蟻動爲牛鬪者與吉不敢言留  
主莫妄聽幸矣吉十年於茲無論日夜凡吉所在十  
數步中常覺有人吹笛者其聲激朗清厲洞耳射心  
瞬息之間欲莫聞之不可得焉吉心惡之不啻仇讎  
而聲不離耳亦惟如影於形無處不爾爾若在水火  
中父母憂之不遑寧處汲汲禱我藥我一無其效蓋  
父母之慈所不能救焉竊恐儻有舊然者故作妖術  
使我羅斯患朝暮彷彿如比冠於肩並盜於坐欲驅  
除之若有若亡與搏空捕影相似是以爲人之子闕  
其定省爲人之民怠其稼穡四體不勤百事不理卒

旅

爲天地一廢人既而幡然念之豈有斯理是我心之  
惑也苟志覺以廣聞知於解其所惑何有於是辭親  
離家千里負笈來于東都因緣一二故舊寄寓緣山  
僧院尋師求友壹欲聞知其所未聞未知者才駑質  
劣徒愆素志是懼而父母顧愛猶尚不已分擔石之  
儲以給遊學之費吉不似未能成一日耳脆之養猶  
且使其損朝暮僅所三四之資以及羈旅之乏若爲  
可之公族令聞日盛四疆之內莫不仰慕政事巨細  
一取其潤色苟有疆內一黎不得其所者留主所分  
而病焉若吉者亦疆內一介氓黎也留主於吉當在

水火中。豈得恣然乎。誠願留主垂矜。吉之。肖提之。携  
携之。使得蒙國之仁恩。稟外斗之穀。無損父母保餘  
年之資。而客寓千里。免絕粒之憂。苟果所志。以解其  
惑心。是留主救父母之慈。所不能救。以脫吉於水火  
中。而吉於留主。不啻參父母而已矣。懷之所迫。信筆  
直叙。敢干尊嚴。罪不可測。里諺曰。警者不畏蝮蛇。留  
主惟少憐察焉。吉再拜。

與樂山公子書

日蒙延鑑湖之臺。咫尺光塵。若披雲霧。上化人之宮。  
視聽總非人間之有。小人固陋。恐懼俯伏。進退失措。

而愛顧之。厚賜坐命安。西園托乘之寵。莫以加焉。伏  
以先君義公。英風曠世。為宗室儀表。修學好古。崇賢  
愛士。凡名一藝者。莫不招致。河間大雅。東平好善。比  
之為遠。至今天下。稱焉。臺下承其遺韻。而身居信陵  
之位。虛左之遇。賢如侯生者。固多矣。小人何幸。亦廁  
其末。自顧賤愚之質。既非其人。徒為高明之累。是懼  
而臺下不屑。猶且命小人曰。後園新成。柴桑之趣。比  
有南山悠然之興。亦復至止。恩眷綢繆。中心藏之。寤  
寐不忘。歲云秋矣。霜露交降。西風肅冷。菊花鮮明。東  
籬供觀。臺下從所親近。應劉徐吳。森而成列。命酒賦

詩歡宴忘疲。賞芳英於蕭瑟之候。擿麗藻於搖落之日。當此之時。小人且與一簡之授。莠言自口。亦各言其志耳。期已至矣。不勝企望之至。敢陳鄙懷。雄白。

復餘子綽書

忽辱一介。即報遺。邇有賞賜之事。老兄亦與焉。奉贖欣抃。具陳家君而謙虛之至。再命而僕以幹吾同盟。故若少有借者。長者之言。一何至此。老兄與于此。舉也。進則顯其君崇賢嚮學之美。退則使後進如雄輩者。亦知學則祿在其中。勸于退而結網。稱吾黨有若餘子綽者。獲于其所仕。如是誠內省而不窮於道所

舉

樽舉

謂其取青紫如俛拾地芥。固非虛語。以為榮。老兄光于其國。以耀同盟者。非但此舉而已。亦盛事哉。亦盛事哉。上樽之贈。助萊舞之歡。為惠莫大焉。家君命謝厚意。併致蒙賞之慶。所呈鄙稿。謬稱見返。無一辭訓。非所望於老兄。恐雄取笑於大方。亦老兄之咎也。少林觀楓。期已至矣。刻日尋報。餘可面罄。不一。

復宇和島侯書

恭承尊教。鄉者臺下宴於某侯邸館。雄亦與侍焉。臺下乃觀雄有伺候趨走之態。諭以書生道義之高。使雄高尚其事。猶且見詰鄙志。所有奉讀三復。慙懼并



競不勝面熱。雄也不佞。何所操持而陳之於臺下。以  
答至意乎。伏以方陪宴日。諸貴蓋簪。雖終日咫尺。其  
間繼之以燭。容止邈然。以我為禽。為獸。未有一言接  
雄。尊卑之勢固然是。則臺下所目。非耶。爾時唯臺下  
愛顧不已。仍賜咳唾。以人遇我。及今也。奉教又知其  
以國士遇我也。顧臺下居常禮賢下士。盛意亦及不  
肖雄者乎。何其恩待之優也。雄本生邊垂。世非衣冠。  
幼有筆硯癖。不能農桑。流離飄宕。遂止都下。與一二  
同好者成社。彫蟲之伎是習。下帷講誦。頗類君平。賣  
卜家口百指。僅免菜色耳。偶有接跡朱門。夫召我者。

豈他哉。亦惟此伎之故。召則至。不則已。來者不拒。往  
者不追。非敢有意以吾伎于王侯。私自顧念庸劣鄙  
瑣。無朝事材。碌碌為人世無用物。天之爵我。以之安  
而受焉。不求其外。庶幾類乎知止足之分者乎。且白  
面生書。負襲人雄。竊所厭。孟子遊事齊梁。動作養望。  
務崇其道。願欲人君由是敬我。譏國遊說之世。蓋有  
不可已之勢。然亦足以窺其伎倆矣。至於聖人。溫良  
恭儉讓。豈有此氣象乎。縫掖之徒。率無其實。妄貪虛  
譽。小窺聖籍。不知之為知。傲然抗禮王侯。以天下名  
教是非為已任者。自雄觀之。與彼浮屠奉佛。繕飾其

教望愚夫愚婦崇信之者。何異之有。吾子物子曰。學  
 寧為諸子百家曲藝之士。而不願為道學先生。雄書  
 諸紳且雄為市井小人。至微至陋。幸不比俳優侏儒。  
 廁陪臣之列。進退從之。於我足矣。固無關榮辱之際。  
 今臺下乃以國士見遇。雄不敢當。抑高明察焉。焉有  
 曳裾王門。苟合希世。專意進取。而容膝之室。上漏下  
 濕。時絕擔石之儲。室人交徧。論我者哉。猥犯尊嚴。復  
 以警言。奉候左右。待罪之日。期已不遠。不勝恐懼之  
 至。誓首。

復管道伯書

昨值重陽。忽蒙手教。適從家君應米大夫請。人定乃  
 歸。始得開函。嚮以所業乞覽。以吾從兄輩二三之後。  
 不可不習斯伎。亦唯時為濫竽者耳。兄豈無鑒裁乎。  
 即所過稱。意在勸勉。假借誘之。以私其黨。恐為兄之  
 累。亦不肖得免外侮。副所以乞覽之志矣。白金之贈。  
 使不肖得免外侮。副所以乞覽之志矣。白金之贈。隨  
 例行束修俗之禮。家君命謝至意。節後風雨奄至。秋候  
 殊覺蕭索。不知十日之歡。吾兄與誰周旋。餘斯期面盡。  
 草草布字。

與小屈長順

佐

郎

不<sub>按</sub>每候貴郎。承風令郎。率十日一晤。未嘗不私竊  
 歎稱。生子如小屈氏之子。無所復恨。蓋<sub>淳</sub>謹篤學。淵  
 雅之性。得之自然。今也及所<sub>示</sub>論訓一書。三復卒業。  
 有是哉。皎皎練絲。在所<sub>深</sub>之。豈虛言哉。足下撮異邦  
 古人言行。著于典籍。有益教訓。綴成小帙。方言圓  
 字。通彼於此。雖五尺之童。耳目所觸。其<sub>專</sub>了了。將為  
 學之階。將為善之階。意在<sub>詒</sub>厥<sub>片玉</sub>。可以琦矣。必依  
 盈尺。令<sub>即</sub>幼而階之。日就月將。美其淑質。宜<sub>淳</sub>謹篤  
 學。不惟性之固然。教之所漸。亦為不<sub>慙</sub>。芝蘭之榮。吉  
 祥攸止。厥由匪他。十<sub>步</sub>之間。必有茂草。十室之邑。必

郎

有忠信。此書所傳。皆<sub>賢</sub>善者。豈特足下子姓已矣。  
 哉。不<sub>傍</sub>既寫一通。置之坐右。以代白珪之<sub>章</sub>。所<sub>示</sub>今  
 此返呈。餘在面既。不<sub>乙</sub>。

與矢田大夫

東山之會。大夫為<sub>政</sub>諸子尋盟。會有不可辭他請。不  
 得持家君杖與斯盛事。而其所<sub>過</sub>候之處。舉目東山  
 不違顏只尺。小春風日。霜樹送色。宮觀雲興。其間徒  
 有上界仙都之望耳。獨奈<sub>盈</sub>盈一水。終日業在河廣。  
 不能已已。憾其可知。是日也。雄承貴介顏。膝行樽<sub>豆</sub>  
 之間。孰與諸子縹緲之遊。傍若無人。雄<sub>飲</sub>數斗。逸氣

高暢者。不知醉後紛然嘲雄以何等目。雖然。賴大夫  
為東道主人。僮施十重。鎧步障。強為之解乎。慙謝無  
辭。伏乞諒察。

復米津侯書

滑疑室。記結撰倉卒。殊覺歉然。敢萬一副明侯之  
意。上之左右乎。自顧受命茲已踰年。不供之甚。且愧  
且懼。其在明侯。固自寬容。宥而不責。小人罪戾是免。  
以獻捧腹之資耳。忽承尺一之寵。謬稱有金石聲。其  
奈非宮商中聲。何。見質一二所擬。標出供贖。頃闕奉  
侍。陽和令行。膏雨屢臻。不知悟賞園中。嘉樹暢發物

華日新。明侯閑燕之興。以誰為質也。公子痘後日益  
享嘉。伏察掌珠之光。燦爛倍舊。拊舞歡聲。雜然館下。  
近日小人亦將趨候。以陳慶辭不乙。

與山縣侯

誰居使雄。優遊卒歲。飽暖自若者。荊山之寶。題之以  
石。他人不辨。一剖則為和氏之石。楚王恩澤。不可不  
知矣。忽值三元。恭惟台候萬祉。是日也。瑞雪驟下。江  
左若斯。羽北千里。盈其幾尺。想明侯卧閣之餘。陽春  
高唱。朱絃改調。坐對封內山河。舒暢幽情。孰與玩歲  
五更三點。城門纔開。佩玉將將。朝帝鑑殿之狀。天遊

監

侯郡上之役。嚴裝倉卒。而不惜。頓笑首肯。所請者。亦  
唯明侯至意。使然。感誠是盡。伏乞亮監。

與惠頓上人

穀

昨日會業。戒以丈室之集。卜念六日。座上左祖者。凡  
百指。山中諸師。不與焉。吾黨非河徒。則穀伯。上人。分  
香積之餘。使得一飽。功德無量。何異修水陸會。而饒  
涎。眾生易度。施勞從豐。為最上乘。上人其有意乎。呵  
呵。加之時值春分。及上人登雨花臺。出華嚴。入法華。  
直上奔請。水釋大義。雄等讚歎之餘。各誦一偈。直得  
到彼岸之果。亦且於茲。隨喜可知。照亮不悉。

易豐

橘

與大醫令通公

維值誕辰。造化者無亦奉我公之喜乎。自開春來。天  
氣和暢。未嘗有如昨日之美。福德可知矣。唯是見顧  
之厚。凡如雄。出入門下者。何啻數百。而使雄一人。則  
族親諸貴之座。與于盛饗。殊遇殷勤。何幸得斯寵於  
門下。感誠誠非言之可盡也。不佞固當同門下諸弟  
子。奉觴上賓。終始充助歡之役。所以不克。會家翁有  
二三客。作逸老會。晚際欲及其未散。少時接之。先高  
堂。奉命燭。不辭私歸。似逃厭厭夜飲者之狀。實於於  
茲。非有他故。敢謝不敏。唯公寬于雄。又與其退置而

不問於始承顏色。諸貴客失禮之容。謂之何。怖懼萬  
萬。近日負荊諸貴之門。踴慢之罪。從輕亦特公庇護  
耳。分韻粹中狂語。草草不遑。今改數字。併上左右伏  
乞照察不悉。

復富君嚴

向者以伯亨云。某協二三子。嘗承委題詠。將副雅意  
者。既屬之楮。生華賤之賜。辭旨懇懇。見責供賢。委  
久矣。非不思之。而不果。賴長者有容。踈懶自遂。幸  
莫深罪。鄙絕今與諸作。並往。唯是駑蹇。聞諸彥先。有  
此與足下。使某輩。同列千里。歷塊之場。冒喘不啻。

豫

歸

月之初。炎帝之令。行于都下也。足下其用玉瓚。禳之  
乎。將風伯支持。君子所居乎。雖則煽赫。孔邇。歸然。作  
其如予何之狀。某固當投袂致賀。緩至于今。敢謝不  
敏。災後數旬。比屋警戒。雖亦環堵之室。未能免俗。備  
豫是務。九十春光。日復一日。偷閑白賁之墅者。僅一  
再。其於丘園。豈為無咎乎。近况。詰斯。一無足道者。公  
明歸自佐伯。不知足下。據經年之蓄否。不悉。

與京君君柔

豈忘之乎。薔薇園榜。能事懇請。先人有諾。孤不月與  
聞焉。無祿先人逝矣。其諾不果。生者塞死者之望。塚

塚

歸

上掛劔者是邪。死者塞生者之望。將如之何。所上雙板。先人造語。且書常齋中者。執事置之。薔薇園中琴書之則。坐臥以代扁題之觀。則庶幾使先人幽冥中無憾。所以諾於執事者乎。不任哽咽之至。

與山經國

君侯拍館之變。一藩為燭。其謂之何。嚮雙旆未東。足下奉命下問。以示瑤什者再四。所陳芻蕘。謬副盛意。觀後乃承某日趨謁之命。何知旻天忍為此。使我不遇魯侯已矣哉。伏惟君侯天授才質。自然超上。若花留鶯語媚。柳惹客愁長。將軍橫槊凜霜氣。斗聲

中太白高等語。溫麗悲壯。雖閔天作者復生。莫以尚焉。而藩為長崎。列鎮長崎之俗。昧於文學。貴彼賤此。動謂本邦聲音固異。詩律難諧。不知方今清人所作。方之明詩。雖曰驢鳴犬吠可也。上之所好。下必化之。長崎人士。聞君侯之風。始披青雲觀白日。則清詩傳於商船。不足覆醬。玉石位定。夫快可知。盛事去矣。竊為我東方歎惜焉。顧以經國忠貞。非唯於常君臣之義而已。風雲一遇。如有斯道體。其哀痛惻怛之心。社中苟知經國者。未嘗不法然泣下。疇昔途中。遇足下望望然赴葬。所吊辭不克一二。相背而別。書

豈嘗言茲候起居。咄經國自重。國有世子在。送往事  
居。獨俱無猜。人臣之分也。足下勉之。不悉。

復十洲師

公東下。茲致一緘之賜。朱墨副焉。盥拜披讀。乃知  
盛意追念先人。併及不肖孤者。寄文宮中。聲厚寵  
莫大焉。而孤知座下。豈自今日云哉。靜餘之選。往歲  
座下命先人有言。雖各天千里。未接儀軌。固當暇  
好尚。時有翰墨遊戲。同斯臭味久矣。嗚呼。先人下世。  
三年於茲。孤不敏。不有一字以修舊好。忽辱方外不  
外之誼。徒增感慚耳。若見推者。孤豈敢當之。賴有一

二從先人者。屏蔽支吾。外禦其侮。僅保舊。泯焉唯  
為先人之辱。是懼何異。劉禪據蜀也。孤本攝人。少時  
嘗遊嵯峨再四。今而思之。座下卓錫之地。山水麗透  
冠于洛西諸勝。了了存乎眼界。雖形塊若海東。神魂  
為之飛往。不知何時。寶樹林中。親承聲咳。重對三十  
年前足跡。所涉丘壑乎。堅公一賜。勝舊相識。法  
旆將西。悽惻意惡。草草布字。不悉。

與惠頓上人

歸山幾日。相距一日程耳。前日聚首。已若隔世。不知  
道體佳不。春且過半。泉谷蘭若。孰與絳山。僚舍想炯



鼓

為 協

乎眼光高視方外。一堂上日對安樂國主。梵唱不已。林谷傳響。如數部鼓吹。倦則曳杖於脚。彷徨幽曠之境。雲霞四布。草樹暢茂。露然物象。俯仰觀化。心會意適。獨享樂土之樂矣。雄等火宅之人。丙丁之炭。一南一北。逼於眉睫間者。一月三五。畏首畏尾。老耨累足而立。苦哉苦哉。賴比日膏雨。靈臺稍為安穩。生計日拙。蘇長公與人書曰。作活大要是慳耳。而文以美名。謂之儉素。自謂長策。京師尤宜用此策。昭合座下嘗雄畫者。讀之不覺絕倒。然受持此策。已期月餘。至今未效。別有秘策宜施者。叩囊再授。尤懇同何相。

重驚禪寂。期在春夏之交。麥飯箏脯。分香積之餘。使雄數日間。為山中有髮僧。自稱雙林樹下當來解脫善慧大士。座下馬依子。迪請假歸。總并掃先墓。尋盟之約。非孟夏不果。嚮腆渥之賜。信公見致。領文別時。卒卒不陳謝辭。故及昭諒不備。

與內發夫

怪巖疊起。雲樹森立。是箕山瀑布側之一。敢供觀玩。發夫無入目而認之耶。先人有山水之癖。往年西遊。歸則以其所跡一二。夢寐焉者。手上之書室四壁。歎曰。吾老矣。足不可再。賴有少文。計蓋自娛。興草丁。

草者繪事云乎哉。今也手澤存乎家。音容邈矣。視其  
人猶視其人。非發夫蒼於先人。孰能有目而認之。猶  
視其人者乎。伏乞休沐之暇。作往日入先人書室之  
觀。於雄為幸矣。頃者先人所善肥人野伯修者。夢先  
人忽自岐岨中至。語悉山水之美。不異在年。次唱一  
詩曰。危峰迴合白雲間。一路崎嶇不可攀。依舊懸崖  
三百丈。臨泉寺裡老僧閑。恍爾覺云。嗟乎。先人有山  
水之癖。魂無不文。其再往年所跡乎。事非可言。筆之  
所至。併及。勿復聞他人。餘期面既。

與矢田部侯

葺

維夏朱轡就封邑也。命雄秋冬之交。躡蹻擔簦。寓目  
於常毛山川。其有意耶。寡人為東道主。拜命之辱。謹  
諾。中心藏之。日復一日。荏苒至歲。云載陽。不能奮飛。  
一出都門。徒望<sup>筑</sup>波峰上雲。神往領疲耳。切<sup>切</sup>恐明侯  
以雄為食言之徒。是無他故。坐母老妻子癡弱。家道  
為累。致此罪譴。伏乞高明恕之。拙刻一舉。明侯<sup>協</sup>于  
旭野高陽二侯為雄謀者。熊記室三致至意。百鎰之  
賜。坐而承之。趙王優於慮<sup>虞</sup>卿。無復加明侯厚矣。市井  
小人。何幸有若斯寵於冠冕。諸貴人感荷曷<sup>聲</sup>。鴛劣  
下才。空言自口。覆瓿自分。豈有意廁諸作者齒。傳之

通邑大都者哉。而鼎力所到。覆甑自分者。巍然存乎  
骨朽之日。可謂使雄死而壽。思其可知矣。旭野侯班  
史會業。有如此下物。不知明侯朝覲日。滿引一大白  
否。諸所蓄者。攄茲在茲。不悉。

悟

復悟賞侯

後苑別開一天地。菜畝麥隴。寂無人聲。俛仰總非邸  
中之有。而餘瀝之賜。使雄盪滌塵腸。於茲旬日。心醉  
恍乎猶尚。如接光塵者。至今不已。忽奉大教。再拜茲  
審盛意所在。君侯綢繆於雄。一何至此也。按輯之役。  
十目所視。其嚴乎。一字差誤。為不朽之累。不可不慎。

慮

得

期

周愛年少。任非其人。更與他人圖之。辭喻懇懇。是君  
侯為拙集紆屬者。厚矣厚矣。敢不唯命是聽。雖然。周  
愛少長。君侯側。素習典籍之役。加之楷體整正。一畫  
不苟。下筆成行。髣髴上木者。若斯者。誠未易得。周愛  
精敏。於受此任乎。何有。雄也保之。伏乞君侯命之。以  
其誓御餘暇。從事於此。是業一成。周愛有大勳力於  
雄。無乃君侯之賜乎。君侯其有意哉。千萬是祈。摳趨  
斯近。餘不備悉。

